



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avrea Clavis Paradisi Beatorvm, Omnibvs Christianis,
maxime Clericis, quotidie vsurpanda, praecipue hac
funestâ atque moesta belli tempestate**

Nicolartius, Petrus

Coloniae, 1643

Sexta caeli porta est, ad Aquilonem. Excitata ex contritione de peccatis.

urn:nbn:de:hbz:466:1-10096

Sexta cali porta est, ad Aquilonem.

Excitata ex contritione de peccatis.

§. 57. **C**ONTRITIO duo postulat; nempe dolorem de peccatis, quòd diuinam Maiestatem offenderimus; & propositum serium emendationis, vt ei placeamus. (Concil. Trisient. Sess. 14. c. 4.) Itaque considerata hic sunt beneficia diuina in nos collata, & nostra vicissim in Deum ingratitude.

Beneficia considerari poterunt modo supra declarato. Sed in primis expendendus est admirabilis ille amor, (Ioan. 3.) quo me ita dilexit, vt naturam meam assumere, & in ea tantos labores & dolores sustinere, tam acerba & indigna perpeti voluerit, idque eo tantum fine, vt me à peccatis & morte æterna liberaret, Dei que filium, & regni hæredem constitueret. Hæc vbi benè perpenſa fuerint, considerandum è contrario, quàm parum tanto amoris tantisque beneficiis responderim.

1. Quòd gratias ei, vt par est, non egerim.

2. Quòd rarò de eius in me amore & immensis beneficiis cogitauerim, quod magnæ ingritudinis est signum.

C

2

3. Quòd

3. Quòd eius amorem & amicitiam, omnia eius beneficia, omnia promissa, omnes labores, sanguinem, passionem, & crucem nihili penderim, contempserim, & proculcarim, malens pro re caduca & vilissima adhærere eius hosti, quàm ipsi; sequi consilia hostis, quàm parere illius mandatis: quod infinitæ ingratitude & amentia est.

4. Quòd non solum amorem eius & beneficia nihili fecerim & contempserim, sed etiam eius Maiestatem plurimis modis grauissimè offenderim, & innumera illi mala pro infinitis bonis in me collatis rependerim.

5. Denique quòd nullus vnquam hominum tam ingratus extiterit suo Regi & benefactori, quàm ego ingratus extiti meo Conditori & Redemptori.

Quibus omnibus ante oculos positis, & probè ponderatis, suffundar pudore, & excitabo in me maximum dolorem propter tantam ingratitude, & iniuriam in tantam Maiestatem & benefactorem. Deinde proponam seriam vitæ emendationem, peccata mea confiteri, pœnitentiã agere, omnia eius præcepta accuratè seruare, & omnes meas cogitationes, studia, conatus, vitamque totam eius obsequio & gloriæ impendere.

NOT. §. 59. CONTRITIO significationē
habet variā. i. q. 4. Ecclesiæ. §. item David.
dicitur. In lata gente est gloria regis: in di-
minutione plebis est contritio principis,
id est, debilitatio. Hic contritio significat
dolorē peccati, vt in Deum commissi:
qui est quædam satisfactio à Deo paterne
acceptata, cum læsa sit iustitia diuina pec-
cato, tanquam voluntate consequendi vel
retinendi, quod alienum est. 15. q. 1. §. 1.
Quæ hæc mortalia peccata sint, habetur.
d. 25. vnum orarium. Quæ ita Deum offen-
dunt, vt sæpe peccatum vnus multi luere
cogantur. 25. q. 1. non turbatur. Ac si assid-
uè frequentētur, nō semper miserationē
inueniant diuinam. d. 93. Diaconi. Imo qui
vno peccato mortali Deum offendit, sic
vita priuatur æterna, ac si omnium esset
reus. de pœn. d. 5. fratres. vnde maxima
prouisione animi est vtendum in occasio-
nibus peccandi. 41. d. sæpe. aut sicubi pec-
catur, vt inter duo, leuius delictum admit-
tatur. d. 96. duo. & seq. can. vera ergo con-
tritio requiritur ex toto corde, quantum-
cunque adsunt alia, nisi in sacramento cō-
fessionis. de pœn. d. 1. §. è contrario. Si enim
confessio non contemnatur, cōtritio pec-
cata remittit, donec confiteri possis. pœn.
d. 1. mensuram. dolor enim lachrymæ que

54 *Sexta cali porta est, ad Aquilonem.*

extinguunt incendia gehennæ. ib. c. porro. Sed oportet sit dolor animi omnia sua peccata detestantis, quia Deus partē mortalium pecc. solam remittere non nouit. ib. d. 3. sceleratior.

§. 60. Sit & confessionis propositum, ib. d. 1. voluissent. in qua obtinetur absolutio, si clavis non erret. II. q. 3. tunc vera. licet Sacerdos absoluens sit malus, sed toleratus. I. q. 1. ita fit. in ea absoluendus flectet sacramento genua. 26. q. 7. Sacerdos. ad confitendum & honorandum Dominū: quia quanta est vita, confiteri Christum, tanta est mors, negare. II. q. 3. non solum. In hac confessione peccatorum tam necessaria ad salutem. pœn. d. 1. totā. vt taciturnitas datur crimini, sic pœnitenti negatur ob eam venia. ib. §. taciturnitas. nec permittitur verecundiæ, vt p. m. confessionem diuidat, diuersis diuersa aperiendo. l. c. fin. d. 5. cautus. Erubescat pœnitens: erubescencia, pro parte satisfactionis est. l. c. quem pœnitet. Sacerdos, licet contritus, ne celebret, quia indigne, nisi fuerit confessus si possit: alioqui idololatriæ par reputabitur. d. 32. præter hoc. confiteatur exemplo Dauidis antiquo. de pœn. d. 3. c. ille rex tantus matura confessione &c. qui post peccata, recuperauit Spiritum S. per pœnitent-

nitentiam. d. 50. si post. Sed confitens quæ-
rat sacerdotem scientē ligare & soluere.
pœn. d. 6. qui vult. maxime his temporibus
nostris, cum non solum corpora, sed & me-
rita in hominibus, defecerunt. d. 34. frater-
nitas. melior est in male factis, humilis cō-
fessio, quam in bonis superbia gloriatio.
11. q. 3. iniustum. d. 83. nihil. 6. q. 1. sunt plu-
rimi. Qui aliter agunt, mali sunt; & eius-
modi tolerantur vel propter temporū in-
iuriam aut necessitatem, vel propter utili-
tatem. 1. q. 6. requiretis. 24. q. 1. pudenda.
fin. contritione vehementi igitur, mi D,
Clerice, confessione que frequenti, te Deo
& altari adorna. Cum gaudio enim debet
facere immortalis futurus, quæ faceret
(NB.) pro differenda morte, immortalis
futurus. Semper deprecetur Deum, certus
de venia; quia omnibus modis, & sine tæ-
dio, dubius, rogatet potestatem terrenam.
Abstineat à multis licitis, qui per liberta-
tem arbitrij commisit illicita. Ita S. Aug.
de pœn. d. 5. can. consideret. lacrymæ do-
lorum, vinum angelorum.

Septima cali porta est Australis. Ap. 21. 12.

Fundata ex humilitatis affectu.

§. 61. **C**ONSIDERA corporis tui condi-
tionem, quàm vile, quàm fragile,

C 4 . quàm